




Broj: 03-017-1475/2020
Dana; 16.03.2020. godine

SKUPŠTINA UNSKO-SANSKOG KANTONA



PREDMET: Izvještaj o radu Kantonalnog zavoda za pružanje besplatne pravne pomoći za 2019. godinu, dostavlja se

Na osnovu člana 96. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17), u prilogu vam dostavljam Izvještaj o radu Kantonalnog zavoda za pružanje besplatne pravne pomoći za 2019. godinu, uz sljedeće:


O b r a z l o ž e n j e

Vlada Unsko-sanskog kantona je na svojoj 126. sjednici održanoj dana 16.03.2020. godine razmatrala i Zaključkom broj: 03-017-1475/2020, prihvatila Izvještaj o radu Kantonalnog zavoda za pružanje besplatne pravne pomoći za 2019. godinu, predlagača Kantonalnog zavoda za pružanje besplatne pravne pomoći, koji vam se upućuje na razmatranje.

S poštovanjem,

Prilog: Izvještaj o radu Kantonalnog zavoda za pružanje besplatne pravne pomoći za 2019. godinu (6x)

1. Naslovu
2. a/a



Po ovlaštenju premijera Unsko-sanskog kantona
ministar Ministarstva za građenje,
prostorno uređenje i zaštitu okoliša
Adnan Magić, dipl.ing. građ.



Na osnovu člana 16. Zakona o Vladi Unsko-sanskog kantona ("Službeni glasnik Unsko-sanskog kantona", broj: 5/08), na prijedlog Kantonalnog zavoda za pružanje besplatne pravne pomoći, Vlada Unsko-sanskog kantona na sjednici održanoj dana 16.03.2020. godine donosi:

ZAKLJUČAK


I

Prihvata se Izvještaj o radu Kantonalnog zavoda za pružanje besplatne pravne pomoći za 2019. godinu i isti se upućuje Skupštini Unsko-sanskog kantona na razmatranje.

II

Ovaj Zaključak stupa na snagu danom donošenja.

Broj: 03-017-1475/2020
Bihać:16.03.2020. godine



Po ovlaštenju premijera Unsko-sanskog kantona
ministar Ministarstva za građenje,
prostorno uređenje i zaštitu okoliša
Adnan Alagić, dipl.ing. građ.

Na osnovu člana 93. i 96. stav 2. Poslovnika Skupštine Unsko-sanskog kantona ("Službeni glasnik Unsko-sanskog kantona", broj: 9/17), Skupština Unsko-sanskog kantona, na sjednici održanoj dana _____, donosi:

ZAKLJUČAK

I

Usvaja se Izvještaj o radu Kantonalnog zavoda za pružanje besplatne pravne pomoći za 2019.godinu.

II

Ovaj Zaključak stupa na snagu danom donošenja i objavit će se u Službenom glasniku Unsko-sanskog kantona.

Broj: _____
Bihać, _____

Predsjedavajući Skupštine
Unsko-sanskog kantona

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNI ZAVOD ZA PRUŽANJE
BESPLATNE PRAVNE POMOĆI



BOSNIA AND HERZEGOVINA
FEDERATION OF BOSNIA AND HERZEGOVINA
THE UNA-SANA CANTON
CANTONAL INSTITUTE FOR
PROVIDING FREE LEGAL AID

**IZVJEŠTAJ O RADU
KANTONALNOG ZAVODA ZA PRUŽANJE
BESPLATNE PRAVNE POMOĆI ZA 2019.GODINU**

Bihać, februar 2020. godine

LIČNA KARTA ORGANIZACIJE

NAZIV ORGANA: Kantonalni zavod za pružanje besplatne pravne pomoći

SJEDIŠTE: Bihać

ADRESA: 502. Viteške brigade br. 10.

DJELATNOST: Pružanje besplatne pravne pomoći i
omogućavanje građanima lakši pristup pravdi

PRAVNI STATUS: Samostalna upravna organizacija

IDENTIFIKACIJSKI BROJ: 4263666230006

TELEFON: 037/ 224-192

WEB SITE: ///

E-MAIL: zavodbpp.usk@gmail.com
s.zavod.bi@gmail.com

ODGOVORNA OSOBA: Direktor Andrej Mamnotov, dipl. pravnik

BROJ ZAPOSLENIH: četiri

I UVODNI DIO

Kantonalni zavod za pružanje besplatne pravne pomoći (u daljem tekstu: Zavod) je samostalna upravna organizacija čije postojanje i rad je pravno uređen i reguliran Zakonom o organizaciji i nadležnostima kantonalnih organa uprave i upravnih organizacija („Službeni glasnik Unsko-sanskog kantona“ br. 9/13, 11/14, 8/15 i 16/17).

Zavod je počeo sa radom polovinom 2013.godine i od tada kontinuirano obavlja poslove iz svoje redovne nadležnosti, a koji su pored navedenog Zakona uređeni i Zakonom o pružanju besplatne pravne pomoći („Službeni glasnik Unsko-sanskog kantona“ broj 22/12 i 3/16).

Zavod je samostalan u izvršavanju poslova iz svoje nadležnosti, ima obavezu kao i druge samostalne upravne organizacije podnošenja godišnjeg programa rada i izvještaja o radu Vladi i Skupštini Unsko-sanskog kantona, odnosno polugodišnjeg izvještaja o radu Ministarstvu pravosuđa i uprave.

Važno je napomenuti da je uspostavljanje Zavoda bilo nužno što je utvrđeno Strategijom za reformu sektora pravde BiH od 2009.godine do 2013.godine, strateška oblast 3. Pristup pravdi, podoblast 3.2 Besplatna pravna pomoć i pristup pravnim informacijama, kao i pratećim Akcionim planom na nivou BiH, gdje je tim dokumentima predviđeno da se obezbjedi stvaranje pravnog i institucionalnog okvira za uspostavljanje usklađenog sistema besplatne pravne pomoći u BiH, u građanskim, krivičnim i upravnim postupcima.

Moramo istaći da je Unsko-sanski kanton jedan od sedam Kantona u Federaciji Bosne i Hercegovine u kojima rade i funkcionišu pružaoci besplatne pravne pomoći.

U izvještajnom periodu uspješno su realizirani ciljevi i zadaci koji su bili postavljeni uz određene veće ili manje teškoće, te ističemo da smo zadovoljni sa izvršenim i postignutim.

II NORMATIVNI DIO

Kada su u pitanju normativni poslovi, u izvještajnom periodu je donijet Pravilnik o internim kontrolama i internim postupcima u Kantonalnom Zavodu za pružanje besplatne pravne pomoći kao i Plan integriteta Zavoda, na koji je saglasnost dalo Radno tijelo Vlade Unsko-sanskog kantona za borbu protiv korupcije.

III TEMATSKI DIO

A/ Aktivnosti u cilju promocije i jačanja Zavoda

U cilju jačanja kapaciteta Zavoda, dodatnog usavršavanja i sticanja novih znanja i vještina, te što kvalitetnijeg obavljanja poslova koji su u nadležnosti, državni službenici Zavoda su u toku 2019.godine prisustvovali različitim sastancima, seminarima, radionicima, okruglim stolovima i dr.

Uposlenici ovog Zavoda su u izvještajnom periodu sudjelovali na više tematskih i stručnih edukacija i radionica.

-U mjesecu martu i aprilu 2019.godine uposlenik Zavoda-namještenik je u organiziji Agencije za državnu službu FBiH pohađao u Bihaću obuke na teme „Vještine komunikacije - rad sa strankama“ i „Osnove zakona o upravnom postupku“.

-U mjesecu julu 2019.godine smo prisustvovali Okruglom stolu u Mostaru na temu "Pristup pravdi i pravda za djecu", koji je organiziran za pružaoce besplatne pravne pomoći u Bosni i Hercegovini, u okviru projekta "Pravda za svako dijete".

-Dva državna službenika su u toku kalendarske godine uspješno završili tri tematska ciklusa predviđena Programom edukacije o sticanju posebnih znanja i kontinuiranom stručnom osposobljavanju i usavršavanju osoba koje rade na poslovima prestupništva mladih i krivičnopravne zaštite djece i maloljetnika u FBiH, čime su stekli uvjete za odbrane u krivičnim postupcima koji se vode protiv maloljetnih počinitelja krivičnih djela.

-U mjesecu novembru 2019.godine u okviru projekta „Pravda za svako dijete“ kao jedan od ciljeva projekta, došlo je do uspostavljanja saradnje između Centra za ljudska prava u Mostaru i ovog Zavoda, te je potpisan Memorandum o saradnji koji je rezultirao praktično-pravnom obukom studenata Pravnog fakulteta u Bihaću koja se provodila u Zavodu i koja je obuhvatila više od 20 studenata Pravnog fakulteta. Cilj Memoranduma je bio da se studenti upoznaju sa praktičnim radom u okviru pravnih oblasti koje tretiraju maloljetnu djecu, ostvarivanje i zaštitu njihovih prava u različitim vrstama postupaka, sa akcentoma na tretman maloljetne djece odredbama Zakona o parničnom postupku i Porodičnom zakonu FBiH.

-U novembru 2019.godine direktor Zavoda je prisustvovao radionici održanoj u Banja Luci na temu „Borba protiv nasilja nad ženama kroz pružanje zaštite i pomoći žrtvama s posebnim fokusom na pitanja rodno zasnovanog nasilja uz aktivno učešće lokalnih nevladinih, organizacija, predstavnika lokalnih zajednica i vladinih službenika“.

-Direktor Zavoda je u mjesecu decembru 2019.godine, a u organizaciji IOM UN Migration i Federalnog ministarstva rada i socijalne politike prisustvovao Promociji resursnog paketa o načinu ostvarivanja statusa posebne kategorije civilnih žrtava rata u Federaciji BiH.

B/ Zakonska rješenja koja uređuju postupak i propisuju uvjete za ostvarivanje prava na besplatnu pravnu pomoć i broj korisnika besplatne pravne pomoći

1) Postupak za ostvarenje prava na besplatnu pravnu pomoć

Podnosioci zahtjeva za besplatnu pravnu pomoć-stranke su u velikom broju slučajeva građani koji žive u lošim materijalno-socijalnim prilikama i nemaju mogućnost da osiguraju na drugi način zaštitu svojih prava pred nadležnim organima i institucijama. Nakon podnjetog

zahtjeva, uz predočenje određenih dokaza koje propisuje Zakon, direktor donosi rješenje kojim odlučuje o pravu na pružanje besplatne pravne pomoći.

Protiv rješenja direktora se može izjaviti žalba Ministru Ministarstva pravosuđa i uprave i to u roku od 8 dana od dana prijema prvostepenog rješenja. Nakon pravosnažnosti donijetog rješenja i priznatog prava na besplatnu pravnu pomoć, pravni zastupnici Zavoda u ime stranke poduzimaju određene pravne radnje u konkretnom postupku.

U 2019. godini zaprimljen je 141 zahtjev za pružanje besplatne pravne pomoći, te su po podnijetim zahtjevima donijeta rješenja kojima je odlučeno o pravu na besplatnu pravnu pomoć u određenim pravnim stvarima. U ovom periodu nije bilo žalbenih postupaka protiv rješenja kojima se odlučuje o ostvarivanju prava na besplatnu pravnu pomoć.

Kada su u pitanju opće informacije i pravni savjeti moramo istaći da se u toku ove godine uposlenicima Zavoda obratilo ukupno 1117 građana, kako u sjedištu Zavoda u Bihaću tako i na područjima drugih općina u kojima pružamo besplatnu pravnu pomoć. Naime, radilo se o strankama sa problemima različite pravne prirode od imovinsko-pravnih problema, problema ostvarivanja prava na penziju, invalidninu, prava iz radnih odnosa, ostvarivanja kontakata s djecom i prava na alimentaciju, razvoda braka, utvrđivanja i osporavanja očinstva, naknada štete, krivične odgovornosti, ostvarivanja prava na nasljeđe i dr.

U proteklom periodu se pokazalo da je naročito značajan rad u lokalnim zajednicama koji smo provodili u vidu održavanja „uredovnih dana“, gdje je evidentno da tom prilikom određeni broj građana, a naročito socijalno ugroženih dobije besplatnu pravnu pomoć, potrebnu informaciju, pravni savjet ili zastupanje u postupku za koji se utvrdi osnovanost i opravdanost za vođenje istog.

Tabela br.1.: Prikaz obraćanja stranaka u gradovima i općinama u toku 2019.godine

GRADOVI I OPĆINE UNSKO-SANSKOG KANTONA	BROJ OBRAĆANJA STRANAKA I-VI 2019.	BROJ OBRAĆANJA STRANAKA VII-XII 2019.	BROJ OBRAĆANJA STRANAKA U 2019.
BIHAĆ	354	315	669
CAZIN	77	66	143
BOSANSKA KRUPA	50	25	75
BUŽIM	13	8	21
SANSKI MOST	46	35	81

KLJUČ	11	14	25
BOSANSKI PETROVAC	12	14	26
VELIKA KLADUŠA	35	32	67
UKUPNO	608	509	1117

Napomena: broj stranaka prikazan u Bihaću obuhvata određene korisnike i iz drugih općina, koji se obrate za pravnu pomoć u našoj kancelariji u Bihaću zbog hitnosti postupanja u situacijama kada je u toku određeni postupak i poštivanje rokova.

2) Ko mogu biti korisnici besplatne pravne pomoći?

Pravo na besplatnu pravnu pomoć mogu dobiti građani po osnovu statusa i to:

- 1) Korisnik stalne novčane pomoći ostvarene po propisima o socijalnoj zaštiti;
- 2) Djeca bez roditeljskog staranja;
- 3) Lice kome je oduzeta poslovna sposobnost i duševno oboljelo lice smješteno u zdravstvenu ustanovu, ustanovu socijalne zaštite ili drugu specijaliziranu ustanovu;
- 4) Penzioner koji prima najnižu penziju ili srazmjernu INO penziju, koja zajedno sa samostalnom penzijom ne prelazi iznos najniže penzije i
- 5) Žrtve nasilja u porodici ili nasilja na osnovu spola.

Pored navedenih kategorija koje pravo na besplatnu pravnu pomoć ostvaruju po osnovu određenog statusa, pravo na besplatnu pravnu pomoć mogu ostvariti i lica po osnovu slabog imovinskog stanja.

Prema Zakonu o pružanju besplatne pravne pomoći građaninom slabog imovinskog stanja se smatra lice čija ukupna redovna primanja i prihodi po članu domaćinstva ne prelaze iznos od 25% prosječne isplaćene mjesečne neto plaće zaposlenih u Federaciji BiH u prethodnoj kalendarskoj godini, a nema nekretnine ili imovinu koja može podmiriti troškove postupka, izuzev nekretnina i imovine koja ne može biti predmet izvršenja u skladu sa Zakonom o izvršnom postupku.

Prema važećem zakonu ne smatra se građaninom slabog imovinskog stanja lice koje živi u zajedničkom domaćinstvu sa punoljetnim članom svoje porodice, a koji je takvog imovinskog stanja da je u mogućnosti da snosi njegove troškove advokatskih usluga.

Kod utvrđivanja slabog imovinskog stanja građanina ne uzima se u obzir prihod i imovina članova porodice korisnika pravne pomoći, koji sa njim žive u zajedničkom domaćinstvu, a protivstranka su u postupku.

U toku 2019. godine zaprimljen je 141 zahtjev za pružanje besplatne pravne pomoći po raznim osnovama i o istima je odlučeno u zakonom propisanom roku.

Napominjemo da je u određenom broju zaprimljenih zahtjeva u izvještajnom periodu u ulozi stranke (direktno ili posredno) bilo uključeno 153 mlđb. djece, a koji su se Zavodu obratili putem zakonskog zastupnika, tj. staratelja (u postupcima izdržavanja, odlučivanja s kojim će roditeljem živjeti, ostvarivanja kontakta s roditeljem s kojim dijete ne živi, ostvarivanja prava na porodičnu penziju, osporavanja i utvrđivanja očinstva i dr.).

Tabela br.2.: Prikaz pružene besplatne pravne pomoći u 2019. godini maloljetnicima putem zakonskog zastupnika

01.01.- 31.12.2019.	MLDB	DIREKTNO	INDIREKTNO
I KVARTAL	43	16	27
II KVARTAL	28	11	17
III KVARTAL	38	15	23
IV KVARTAL	44	23	21
UKUPNO	153	65	88

Kako je Zavod u proteklom periodu uspostavio dobru saradnju da predstavnicima UNICEF-a u BiH, istima redovno dostavljamo podatke o o pruženoj pravnoj pomoći maloljetnim osobama, tj. djeci, obzirom da je fokus njihovog rada i djelovanja na zaštiti prava i interesa djece.

Tabela br.3.: Prikaz zaprimljenih zahtjeva za ostvarivanje prava na besplatnu pravnu pomoć za period 01.01.-31.12.2019. godine

Zahtjevi za pružanje besplatne pravne pomoći		
po osnovu statusa	po osnovu lošeg imovinskog stanja	ukupno
10	131	141

3) Rad sa strankama s osvrtom na pojedinačne aktivnosti

Zakonom o pružanju besplatne pravne pomoći je utvrđeno da je Zavod nadležan za pružanje besplatne pravne pomoći korisnicima, i to u vidu:

- a) pružanje općih informacija o pravima i obavezama;
- b) pružanje pomoći u popunjavanju obrazaca;
- c) davanje pravnih savjeta;
- d) pravna pomoć pri sastavljanju svih vrsta podnesaka;
- e) zastupanje pred organima uprave i institucijama;
- f) zastupanje na sudu;
- g) sačinjavanje apelacija;
- h) pravna pomoć u postupcima mirnog rješavanja spora (medijacija).

U pogledu pružanja općih informacija o pravima i obavezama, pružanje pomoći u popunjavanju obrazaca, davanje pravnih savjeta i pravna pomoć pri sastavljanju svih vrsta podnesaka, moramo istaći da je u 2019. godini u Zavod se obratilo 1117 stranaka, kojima su pružene potrebne informacije, dati pravni savjeti, po potrebi sastavljeni određeni podnesci ili su upućeni određenim nadležnim organima radi ostvarenja prava.

Davanje pravnih savjeta iziskuje dosta radnog vremena iz razloga što se kvalitetnim i stručnim pravnim savjetom smanjuju neosnovana pokretanja različitih postupaka, samim time i troškovi postupka, kao i opterećenost sudova i drugih organa nadležnih za rješavanje. Želimo napomenuti da pružanje ove vrste pravnih usluga nije uslovljeno lošim imovinskim stanjem niti eventualnim statusom stranke. Nerijetko se dešava da u situacijama kada postoji volja i razumjevanje stranke koja nam se obrati s određenim pravnim problemom, uspostavimo kontakt sa suprotnom strankom te kroz dijalog i posredujući među njima nastojimo istima pomoći da riješe nastali problem i izbjegnu sudski postupak, a što je puno učinkovitije i jeftinije kako za stranke, tako za sudove i ovaj Zavod. S tim u vezi, Zavod će i u narednoj godini kontinuirano obavljati poslove iz svoje nadležnosti i nastojati ispuniti postavljene ciljeve i zadatke, tj. odgovoriti postavljenim usmenim i pismenim zahtjevima građana ovog Kantona.

4) Postupci u kojima se pruža besplatna pravna pomoć

U skladu sa Zakonom o pružanju besplatne pravne pomoći, besplatna pravna pomoć se pruža korisnicima u postupcima u kojima se ostvaruju i štite njihova prava i na zakonu zasnovani interesi, a ti postupci su:

- 1) upravni postupak,
- 2) upravni spor,
- 3) prekršajni postupak,
- 4) parnični postupak,
- 5) vanparnični postupak,
- 6) izvršni i
- 7) krivični postupak.

U pogledu vrste postupaka u kojima je pružena besplatna pravna pomoć u 2019. godini, evidentno je da je najveći broj predmeta bio iz oblasti građanskog prava (sastav različitih podnesaka-tužbi, odgovora na tužbe, žalbi, odgovori na žalbe, prijedloga...), te da je iz te oblasti bilo najviše zastupanja pravnih zastupnika na sudskim ročištima.

Obzirom da je evidentno da se najveći broj predmeta odnosio na parnične predmete, ukazujemo da isti spadaju u kompleksnije sudske predmete, te da njihovo rješavanje zavisi od dinamike rada sudova (ovdje se misli na rokove i vremenski period potreban da se okonča jedan postupak). Zbog navedenog, izvjestan broj predmeta je riješen u toku kalendarske godine, dok se neki nalaze u različitim fazama postupka pred organima odlučivanja te će u istim predmetima kontinuirano se nastaviti raditi i u narednoj kalendarskoj godini.

Smatramo značajnim istaći i činjenicu da je u toku izvještajnog perioda a u poređenju sa prethodnim godinama, evidentiran veći priliv broja krivičnih predmeta, tj. postavljenja branitelja po službenoj dužnosti u osobama pravnih zastupnika u ovom Zavodu, Rješenjima nadležnih sudova na području Kantona, što je na određeni način doprinijelo uštedama u Budžetu Kantona. Postavljenja branitelja Rješenjima sudova su se odnosila kao na državljane BiH, tako i na strane državljane koji putujući prema zemljama Evropske Unije budu procesuirani zbog krivičnih djela koja čine na području našeg Kantona.

U parničnim predmetima se raspravlja o stvarnopravnim odnosima (utvrđivanje prava vlasništva i drugih stvarnih prava), zatim o obligacionim odnosima (sticanje bez osnova, dug zbog neizmirenih ugovornih obaveza, naknade štete), radnopravnim odnosima, porodičnim odnosima i drugim.

Napominjemo da su pravni zastupnici u svakom konkretnom predmetu preduzimali i dr. radnje (sastav i drugih podnesaka, dopisa, konsultacija sa strankama i sl.) kako bi svaki pojedinačni predmet efikasno priveli kraju.

5) Aktivnosti na unapređenju rada i poslovanja

U izvještajnom periodu Zavod je nastavio provoditi aktivnosti na kontinuiranom pružanju besplatne pravne pomoći u svakoj općini Unsko-sanskog kantona, a što je rezultat zajedničkog zalaganja i truda uposlenika Zavoda i direktora, te je ista podržana od resornog ministarstva i načelnika svih sedam općina našeg Kantona (osim grada Bihaća gdje nam je sjedište i gdje vršimo prijem stranaka). Kroz ovakav način rada nastoji se omogućiti građanima iz udaljenijih općina u odnosu na grad Bihać da brže i jednostavnije mogu dobiti pravnu pomoć na području općine u kojoj žive i uz što minimalnije finansijske troškove.

U cilju postizanja kvaliteta usluga koje pruža Zavod, kao i kontinuiranog praćenja novih i izmjena postojećih propisa, te praćenja sudske prakse, državni službenici Zavoda su u toku 2019.

godine pohađali seminare, te sudjelovali u radu nekoliko radionica, okruglih stolova i sastancima na kojima je obrađivana tema bila relevantna i za pružaoce besplatne pravne pomoći.

Kada je u pitanju napredak u radu i poslovanju, značanje je istaći aktivnosti poduzete tokom 2019.godine unutar Zavoda u cilju donošenja Plana integriteta u ovom organu, a shodno obavezama utvrđenim Strategijom za borbu protiv korupcije Unsko-sanskog kantona 2017.-2019. godina, te donijetom Akcionom planu.

IV OCJENE STANJA I POSTIGNUTIH REZULTATA

U izvještajnom periodu uspjeli smo odgovoriti zahtjevima stranaka, organizirati uredovne dane u lokalnim zajednicama te obezbjediti prisustvo i zastupanje na zakazanim sudskim ročištima. Moramo napomenuti da građani izražavaju zadovoljstvo postojanjem i djelovanjem ovakve upravne organizacije na području Kantona.

U toku 2019.godine riješeni su zaprimljeni zahtjevi građana, te smo nastojali u skladu s raspoloživim kadrovskim kapacitetima odgovoriti svim zahtjevima i potrebama građana na što bolji i efikasniji način. Rezultat rada i djelovanja Zavoda je bolja pravna zaštita siromašnih kategorija društva kao korisnika besplatne pravne pomoći, kao i podizanje svijesti ljudi i institucija o važnosti nesmetanog i ravnopravnog pristupa pravdi. Kako uposlenici Zavoda kroz svoj rad dolaze do svakodnevnih i neposrednih kontakata sa građanima ovog Kantona, u prilici su da sugerišu rješavanje pojedinih negativnih pojava u našem društvu, kao što je npr. nasilje u porodici, zakonska obaveza izdržavanja maloljetne djece, ostvarivanje kontakata između roditelja i mladb. djece i sl.

Pravni zastupnici Zavoda su uspjevali da u izvještajnom periodu neposredno pruže pravne usluge građanima koji žive izvan grada Bihaća, a na način da su sa istima ostvarivali kontakte u općinama Kantona kroz održavanje uredovnih dana. Građani sa mjestom stanovanja izvan grada Bihaća, obraćali su se uposlenicima Zavoda radi pružanja pravne pomoći i lično, dolaskom u Zavod, kao i putem pošte, telefona i e-maila.

V PROGRAMSKA ORJENTACIJA

Programska orijentacija Zavoda će i u narednom periodu biti usmjerena ka tome da će uposlenici Zavoda, kako u kancelariji u Bihaću, tako i u svih sedam općina Kantona u kontinuitetu pružati stručnu i kvalitetnu pravnu pomoć licima koja ispunjavaju Zakonom propisane uvjete kako bi im se omogućio ravnopravan pristup pravdi putem pružanja besplatne pravne pomoći, a što doprinosi jačanju zakonitosti i vladavini prava, kroz profesionalan i stručan angažman branitelja/punomoćnika, kako u krivičnim postupcima pred nadležnim sudovima, tako i u drugim sudskim i upravnim postupcima.

Pružanjem pravne pomoći građanima i strankama koje se obrate Zavodu i koje budu ispunjavale uvjete za pružanje pravne pomoći će biti omogućeno da ti građani riješe svoja statusna pitanja, na način tako što će biti uvedeni u neka prava koja im po važećim zakonima pripadaju. Također smatramo da će se to odraziti i na ekonomsko-socijalnu situaciju pojedinih

građana, samim time doprinijeti smanjenju broja osoba koje nemaju niti ostvaruju redovna primanja.

Pored navedenog, pružanjem pravne pomoći i davanjem savjeta nekima će biti omogućeno da ranije utvrđena prava lakše uz stručnu pomoć i savjete realiziraju (održavanje kontakata među članovima porodice, izdržavanje člana porodice i dr.), a sve to pod uvjetima koje propisuju važeći zakonski propisi.

Smatramo da će angažiranjem pravnih zastupnika Zavoda u pojedinim postupcima doprinijeti bržem i efikasnijem radu nadležnih organa pred kojima se vode postupci, a sve to iz razloga što postupci zbog nepoznavanja propisa i neukosti stranaka često puta predugo traju, te bi se na ovakav način uticalo na smanjenje troškova postupaka pred nadležnim organima.

VI PLANIRANE I REALIZIRANE AKTIVNOSTI I ZADACI

Zavod nema dislocirane kancelarije izvan sjedišta, odnosno izvan grada Bihaća, niti je zakonom to predviđeno, ali imajući u vidu da su građani ostalih sedam općina Kantona u težem položaju jer potencijalni korisnici usluga Zavoda nemaju materijalnih mogućnosti da plate troškove prevoza do Bihaća, uspješno je realizirana uspostava uredovnih dana u svih sedam općina van grada Bihaća koja se počela provoditi na cijelom području Kantona i na veliko zadovoljstvo građana i korisnika besplatne pravne pomoći, čime je ispoštovan temeljni princip „*jednak pristup pravdi za sve*“. Pored ove planirane aktivnosti, u ovom izvještajnom periodu u Zavodu su blagovremeno obavljani redovni poslovi iz nadležnosti Zavoda, pri čemu je važno istaknuti da su zahtjevi stranaka za ostvarivanje prava na besplatnu pravnu pomoć od strane Zavoda rješavani u zakonom propisanim rokovima, a također su primljene na razgovor sve stranke koje su došle u sjedište Zavoda, kao i u kancelarije koje koristimo u drugim općinama i pružene su im potrebne informacije i pravni savjeti. Do sada smo raspoloživim kapacitetima blagovremeno izvršavati poslove i zadatke iz naše nadležnosti. Uspijevali smo u ostavljenim rokovima prema sudskim i drugim organima odgovoriti u ime stranaka koje zastupamo blagovremeno i kvaliteteno.

U izvještajnom periodu nastojali smo, uvažavajući finansijske prilike, odazvati se na seminare i edukacije koje su se održavale uglavnom i najčešće u Bihaću, a i to u skladu s raspoloživim vremenom i uklapajući se prema rasporedu sudskih ročišta.

VII IZVRŠENJE PLANIRANIH KONTINUIRANIH POSLOVA

U toku 2019.godine izvršeni su i realizirani uglavnom svi planirani poslovi uz određene poteškoće uzrokovane najčešće činjenicom da se desi situacija da imamo zakazanih više sudskih rasprava pred različitim sudovima, npr. u Velikoj Kladuši i Sanskom Mostu, zbog čega smo prinuđeni tražiti prezakazivanje nekog od tih ročišta i sl. Primjetno je također da postoje građani i stranke koje istrajavaju u namjeri „ostvarivanja prava“ iako iz svih dokaza, stanja predmeta i važećih zakonskih propisa proizilazi neosnovanost njihovih zahtjeva, što u sporadičnim slučajevima predstavlja problem zaposlenima u Zavodu.

VIII PREGLED UNUTRAŠNJE ORGANIZACIJE, KADROVSKE I MATERIJALNE OSPOSOBLJENOSTI

Pored direktora Zavoda, Pravilnikom o unutrašnjoj organizaciji i sistematizaciji radnih mjesta, broj 14-02-8335-1/2018 od 18.07.2018. godine na koji je saglasnost dala Vlada Unsko-sanskog kantona je predviđeno da Zavod ima 6 izvršioaca, od toga je 5 državnih službenika, a 1 namještenik.

Tabela br.4.: Unutrašnja organizacija Kantonalnog zavoda za pružanje besplatne pravne pomoći

Rb	Naziv radnog mjesta	Predviđena školska sprema	Predviđeno pravilnikom	Popunjenost
1.	Direktor	VSS	1	DA
2.	Pravni zastupnik	VSS	3	DA-2
3.	Stručni saradnik za pružanje besplatne pravne pomoći	VSS	1	NE
4.	Viši referent za kancelarijsko poslovanje i administrativno tehničke poslove	SSS	1	DA

Prava i obaveze svih uposlenika Zavoda, tj. državnih službenika i namještenika su regulirani Zakonom o državnoj službi u Unsko-sanskom kantonu („Službeni glasnik Unsko-sanskog kantona“ broj 14/2017 i 16/2017), podzakonskim aktima donijetim temeljem navedenog Zakona, kao i odredbama Zakona o pružanju besplatne pravne pomoći.

Zakonom o pružanju besplatne pravne pomoći su propisana prava i dužnosti pravnih zastupnika, obaveza čuvanja službene tajne i odgovornost zaposlenika Zavoda. Tim zakonom je također propisano da pravni zastupnici imaju nezavisnost i samostalnost u vršenju svojih poslova i imaju pravo i dužnost da u okviru dobijenog ovlaštenja poduzimaju sve zakonite pravne radnje koje su po njihovoj ocjeni u interesu korisnika pravne pomoći. Kako je obaveza pravnih zastupnika da pružaju pravnu pomoć savjesno i stručno u skladu s ustavom, zakonom i drugim propisima, te u cilju postizanja kvaliteta usluga koje pruža Zavod, kao i kontinuiranog praćenja novih i izmjena postojećih propisa, te praćenja sudske prakse, planirano je da se državni službenici Zavoda kontinuirano stručno usavršavaju pohađanjem seminara iz različitih oblasti prava.

Uposlenici-pravni zastupnici Zavoda su od 2014. godini na Listi branitelja te po rješenjima sudova vrše odbrane po službenoj dužnosti u krivičnim postupcima koji se vode pred nadležnim sudovima na području Unsko-sanskog kantona.